

則遇鮫鯨迫之而貌不變誘之以色試之以財而心不動衡
曰可教也於是付青腰紫書金根上經及神丹半兩而誡之
曰勤則得之替則失之皓俯伏受命遂入赤城山服丹行道
至魏太初登真

安如貴客孫登奇人

真誥興甯二年紫微夫人與安如同降楊真人室紫微曰今
日有貴客來相詣安如神女乃李夫人之女昔往龜山學上
清道成受太上書補爲九華真如賜姓安氏以遊行於太清
也

抱朴子云孫登奇人也無家屬每於山間穴地而處冬則單

道藏輯要

三洞群仙錄

三

翼集五

川六

衣大寒披髮自覆其身而真誥亦云孫登獨弦而成八音真
奇士

道者樓葦先生布巾

茅亭記雍法志嘗供養一石老君每誦天蓬呪不輟一夕夢
神人於石像前取一樓葦與之曰但有患者以葦掃之言訖
而覺自後有疾者來以葦拂之應手而愈時人爲頌曰雍道
者掃盲能視拂跛能履患者雲集

丹臺新錄軒轅集居羅浮山自號羅浮先生人傳數百歲每
入山採藥而龍虎隨侍而行師能分形化影無所不至每出
入持一布巾見疾病以布拂之應時而愈後不知所在